



ATASSUT

UPA 2016/82

Siverth K. Heilmann

20. 04. 2016.

Inatsisartut aalajangiiffigisassaatus siunnersuutigineqarpoq Naalackersuisut peqquneqassasut Peqqinnissaqarfiup aqunneqarnera, aqqissuussaana kiisalu peqqinnissamut tunngasutigut sullissisut aamma tarnip pissusaanik ilisimasallit pillugit Inatsisartut inatsisaat nr. 27, 18. November 2010-meersup paragraf 2, imm. 2 naapertorlugu kingusinnerpaamik 2017-imi, Naalackersuisut tarnip pissusaanik ilisimasallit peqqinnissaqarfiup iluani, pisortat oqartussaasuini allani namminersortunilu ilinniakkaminnut tunngasutigut sulinerat pillugu malittarisassanik erseqqinnerusunik aalajangersaanissaat.
(Inatsisartuni ilaasortaq Steen Lynge, Atassut)

Inatsisartuni ilaasortap Steen Lynge-p ATASSUT, siunnersuutaanut imatut naatsumik ATASSUT sinnerlugu oqaaseqarfigissavara.

Siunnersuuteqartup aalajangiiffigisassatut siunnersuutaa tunngavilersuutaalu ersarilluarput, tassami sumiluunniit pisortat suliffeqarfiini matumanilu peqqinnissaqarfiup aqunneqarnerata iluani, matumanilu aamma tarnip pissusaanik ilinniagaqarnerup qaffassarlugulu naleqqussarneqartariaqarnera ATASSUT-miit tamakkiisumik taperserparput.

Ilisimalluarparput nunatsinni inuppassuaqalernikuusoq tarnimikkut napparsimasunik aammalu qularnanngitsumik taamatut nappaatillit ikiliartornaviangitsut. Siunnersuuteqartup anguniagaanut ilaavoq, pisortat pigisaanni namminersortuniluunniit ilinniakkaminnut tunngasutigut sulinerat malittarisassatigullu ersarissaasoqartariaqarnissaa, minnerunngitsumillu kiffartuussinerup sullissinerullu pitsaanerulersinnissaata qaffassarneqarnissaa.

Ajoraluartumik nassuerutigisariaqarparput, tarnimikkut nappaateqartut sullinneqarnerat aammalu nakkutigineqarnerat massakkornit pitsaanerujussuusariaqarnera. Qinikkatut ilisimavara, kommuunet ilaanni tarnimikkut napparsimasut nakkutigineqaratik inissarsuarni inissinneqaannartartut, ajoraluartumillu ilaatigut taakkuusartut ikuallatsitsinertigut allatigulluunniit ineqartunut allanut inuup inuuneranut navianartorsiortitserujussuuartartut. Taamatut pisoqartarnera takussutissaqartinneqarpoq apeqqutigineqassappallu ersarissaajumaarpunga.

Taamaattumik suliassaqarpugut ilinniakkatigut qaffassaanerup saniatigut aamma kommuune-ni malitassatigut nakkutilliinerullu pitsanngortinnerunissaanut naleqqussaanssamut. ATASSUT-miit nuannaarutigaaarpugut isumaq nutaajunngikkaluartumik Naalackersuisut oqarnerat, siunnersuummut akuersissutiginnissamut tapersiimmata.

Taamaattut oqaaseqarseqarluta siunnersuummullu tapersiilluta, suliap aappassaaneerreqartigani peqqissaarullugu ataatsimiititaliami suliarineqarnissaa ATASSUT-miit inassutigissavarput.

Qujanaq.